

Set 3
Logo sekolah

SIJIL PELAJARAN MALAYSIA 2024
PEPERIKSAAN PERCUBAAN

BAHASA MELAYU

1103/1

Kertas 1

2 JAM

JANGAN BUKA KERTAS PEPERIKSAAN INI SEHINGGA DIBERITAHU

1. *Kertas peperiksaan ini mengandungi **dua** bahagian : **Bahagian A** dan **Bahagian B**.*
2. *Jawapan hendaklah ditulis di dalam kertas jawapan yang disediakan.*
3. *Jawapan boleh ditulis dalam tulisan Rumi dan Jawi.*
4. **Kertas jawapan** *hendaklah diserahkan kepada pengawas peperiksaan pada akhir peperiksaan.*

Kertas peperiksaan ini mengandungi 4 halaman bercetak
BAHAGIAN A
 [30 markah]

Petikan dan grafik di bawah menunjukkan maklumat berkaitan dengan bangunan bersejarah di Malaysia.

Berdasarkan maklumat tersebut, huraikan pendapat anda tentang bangunan bersejarah di Malaysia.

Panjangnya huraian anda hendaklah antara 150 hingga 200 patah perkataan.

PEMULIHARAAN BANGUNAN BERSEJARAH

SHAH ALAM : Bangunan bersejarah merupakan bangunan yang wajar dipelihara. Sultan Selangor Sultan Sharafuddin Idris Shah telah bertitah agar pihak berkuasa melaksanakan pemuliharaan dan pemeliharaan bangunan bersejarah di Malaysia. Menurut baginda, kebanyakan bangunan bersejarah berpotensi untuk menjadi tumpuan pelancong dari dalam dan luar negara.



Bangunan Sultan Abdul Samad, Kuala Lumpur


Bangunan lama perlu dirobuhkan

Jangan! pemuliharaan bangunan bersejarah dapat meluaskan pengetahuan.

TAHUKAH ANDA?

Kota A' Famosa telah dibina oleh Portugis sebaik sahaja berjaya menawan Melaka pada tahun 1511

Sumber: jpt.moe.gov.my



Bahagian B

[70 markah]

Bahagian ini mengandungi empat soalan. Jawab satu soalan sahaja.

Tulis sebuah karangan yang panjangnya antara 350 hingga 500 patah perkataan

1.

Semangat patriotik yang tinggi perlu ada dalam diri rakyat kerana menjadi tonggak utama kepada pembangunan sesebuah negara. Tanpanya, negara akan musnah dan hancur bukannya kerana diserang musuh tetapi kemusnahan adalah disebabkan kegagalan rakyat untuk melaksanakan tanggungjawab mereka terhadap negara.

Dipetik dan diubah suai daripada: Patriotisme-
bukan-sekadar-semangat *Sinar Harian* 31 Ogos 2020.

Sebagai respons petikan di atas, terdapat pelbagai kesan jika masyarakat tidak bersifat patriotik

Jelaskan kepentingan-kepentingan patriotisme kepada masyarakat.

2.

Penggunaan teknologi baharu seperti sensor lapangan dan dron sangat penting untuk menjadikan sektor pertanian lebih menarik pada mata anak muda. Memandangkan golongan muda umumnya lebih celik teknologi berbanding dengan golongan yang berumur, merekalah golongan yang tepat untuk memperkasa sektor pertanian.

Sumber : Dipetik dan diubah suai daripada
<https://www.malaysianow.com/>

Petikan di atas menyatakan sebahagian usaha yang perlu dilakukan dalam menarik minat generasi muda untuk menceburi bidang pertanian.

Bincangkan.

3.

Jenayah penipuan dalam talian menyasarkan pelajar kerana mereka merupakan pengguna utama media sosial terutamanya melalui telefon bimbit dan pelbagai peranti mudah alih yang menjadi keperluan dalam proses pembelajaran pada peringkat menengah dan pengajian tinggi. Sebagai pengguna media sosial, mereka berpeluang mengakses pelbagai laman sosial popular termasuk *Facebook*, *Whatsapp* dan *Instagram* yang turut digunakan oleh penjenayah untuk menipu dan menjerat mangsa.

Sumber : *Dewan Masyarakat*, Bil 10/2022

Jenayah penipuan dalam talian terutamanya dalam golongan pelajar semakin berleluasa sehingga membimbangkan masyarakat.

Tulis sebuah rencana tentang punca-punca mereka dijadikan sasaran.

4.

"Dengan membeli barangan buatan Malaysia, kita mampu memberi pekerjaan kepada rakyat Malaysia". Bagi tujuan ini, jabatan kerajaan, agensi dan pihak berkaitan seperti agensi pemasaran yang berkaitan disaran untuk melakukan kempen beli barangan tempatan secara besar-besaran.

Sumber : Dipetik dan diubah suai daripada
<https://www.bharian.com.my/berita/ekonomi/2023/08/24/beli-barangan-buatan-malaysia>

Petikan di atas menyatakan bahawa membeli barangan buatan Malaysia memberikan banyak kebaikan kepada masyarakat.

Ulasakan.

KERTAS PEPERIKSAAN TAMAT